

Regio unde dicta

Situs.

Soli fertilitas.

Animalium va-
rietas.Imperium ma-
jor.

CORSICA a *Corso* ejus terræ Domino dicta: alii a qualitate cacuminis Montis alicujus dictam vo-
lunt. Græci hanc *Κύρον* appellavere, a *Cyrno* Herculis Filio: *Teraphne* ab Ovidio nominata est, ut scri-
bit Villanovanus. Ab Occidente & Septentrione respicit Mare Ligusticum: ab Ortu Tyrrenum: a
Meridie Sardiniam. Longitudo mill. cxx non excedit: licet Strabo mill. clx, Plinius cl, ponat: La-
titudinem hic Lx mil, facit: ille Lx, quod verum esse ex dimensione per circum constat, Ambitus secundum
Plinium mill. cccxx: secundum alios cccv & cccv: secundum Maginum cccxxv, quod se per dimensionem ex-
actam reperisse scribit. Insula est ab omni parte aditu difficilis, cum præruptis undique collibus comprehensa
sit. Interius similiter magna ex parte montosa, ideoque Frumenti neque Leguminum adeo fertilis est: quæ ni-
si paucis quibusdam locis crescunt, ubi se aperit, atque fluminibus & aquis irrigatur, ac feracissima redditur. Ea
pars quæ respicit Etruriam est mediocriter plana, habetque ibi fecundum solum & producit nobiles ac dulces
Fructus. Vina Insulæ, præstantissima, primæque nobilitatis, & a Romanis semper expetita, *Corfica* a loco dicun-
tur. Mellis & Resinæ hic magna ubertas: Olei item & Ficum. Cæterum Mella Corficana amara esse notavit
Servius in iv Georg. Fitque id ob Taxi copiam, è qua Apes Mella legunt. Venenata etiam credidit Ovidius,
Solut hic Ager lapidem gignit *Catochitem*, quem Democritus Abderites etiam in certamina contra Magos adhi-
buit. Rhennius de Corfica:

Hanc solam perhibent Catochitem gignere Terram: Corporibus lapidis hic seu glaucine tactus adhæret. Similia tradunt
Plinius lib. xxxvii cap. x & Solinus cap. ix: sed Plinius de rei fide ambigit. Alumen quoque hic reperitur: &
Ferri fodinæ sunt apud fl. *Bivincium* in Comitatu *Nebienfi*. Sunt, & Salinæ vulgo dictæ *della Roia*, non longe
a Portu S. Florentii: & prope *Niolum* sunt valles profundissimæ perpetuis nivibus scatentes, sub quibus ai-
unt Crystallum copiose latere. Nascitur etiam in ea magna copia Buxus teste Plinio, & Diodoro, nec non
Taxus arbor venenata. Animalia producit varia: Equos imprimis feroces, & Canes venaticos spectata mag-
nitudinis, *Musino* quoque animal, Plinio auctore hic est, arietis genus, *Mofoli* hodie vocant: Animal præ-
terquam in hac Insula & Sardinia nusquam apparens in tota Europa. Habet corium & pilos instar Cervi,
& cornua instar Arietis, non longa sed retro circum aures reflexa præcipuæ duritiei, ut si altitudine L pedum
præcipitetur inter laxa, ac capiti incumbat, non lædatur; magnitudinem retinet Cervi mediocris, solisque
herbis vescitur, cursu præditum velocissimo, carnesque habens gustu sapidas. Ovibus insuper & Bobus re-
ferta est. Insula omnis jam olim maligne culta, primum a *Phocensibus*, tum a *Liguribus*, post etiam a *Romanis*
qui duas Colonias eo deduxerunt, *Marianam* & *Aleriam*, quæ adhuc exstant. Cætera *Barbari* tenuere: pro-
inde cum Romani in eos irruerunt, magnum servorum gregem captum Romam abduxerunt: exiguo fructu
quod tam nequam servi essent, tamq; bruti, ut quamvis vili emerentur, tamen Dominos semper emptionis pœ-
niteret. *Romanis* succedere *Saracenis*: his *Genuenses* & *Pisani*: hodie vero iterum ad *Genuenses* jus rediit. Nunc bita-
riam in partes eam distiungunt, Plagam quæ Orientem solem respicit, Latus interius: partem huic obversam,
Latus